

A Kiko nos mester kompartí?

❖ E Gran Komishon.

- “Bai... [na] tur nashonnan ” tabata e mandato ku Hesus a duna na e hendenan kende a hala huntu pa mir’E despues di Su resurekshon (Mat. 28:18-19a).
- Kiko nan mester a hgasí? Nan mester a bai i hasi disipelnan. Esei ta, pa hasi kontakto ku hendenan, batisá nan, i siña nan pa ta disipelnan di Hesus (Mt. 28:19-20).
- E disipelnan ei, na nan turno, a siña otro disipelnan... i asin’ei pa dos mil aña ... te na nos mes dia. Awor, nos ta esunnan kende ta risibi Hesus Su mandato.
- Manera Pedro i Juan, “ nos no por yuda di papia tokante di loke nos a mira i tende ” (Echonan 4:20). Nos por papia for di un púlpito, sklama den e kayanan, kompartí nos testimonio riba medio soshal, òf simplemente kompartí esaki ku un hende. Nos tur ta envolví.

B Kon nos por kompartí?

❖ Imitando Hesus.

- Kiko a motivá Hesus pa buska “ e karnéan pèrdí ” (Mateo 15:24)? Sin duda, tabata su amor pa nos (Mateo 9:36; Efesionan 5:2). Tambe El a pone Su amor denter di nos, asina ku nos por kompartí esaki ku esnan kende ainda no konose Hesus. Tin bia, hende ta purba di forsa otronan pa aseptá Hesus pa nan mes bon.. Pero esei no ta e método ku Dios a skohe.
- Dios no a forsa Adam i Eva pa no peka. E no a forsa e antidiluvianonan pa drenta e arka. E no a forsa e Ninivitanan pa asept’E. El a papia na nan ku amor i a spierta nan di e konsekuensianan di sigui nan propio kamindanan.
- Dor di imitá Hesus, nos ta mustra Su amor na otronan, i ta invitá nan pa siguiE.

❖ Kultivando amistad.

- Nos tur ta predikadornan di Hesus i a wòrdu komandá pa prepara nos mes pa esaki (1 Pedro 3:15). Pero no ta tur di nos sa kon pa prediká. Sinembargo, nos tin e promesa ku Dios mes lo duna nos e palabranan nesesario (Isaias 50:4).
- Aki tin algun tepnan simpel pa tene na mente segun ku bo ta konsiderá kon pa ta mas intenshonal tokante di kompartí Hesus ku otronan:
 - (1) Hasi pa konose un hende i konstruí un amistad durante di tempu.
 - (2) Hasi orashon pa e Spiritu Santu obra riba e persona su kurason. Resa pa e oportunidatnan korekto interaktua ku nan.
 - (3) Buska maneranan natural pa papia tokante di bo propio eksperensianan di fe òf ofresé un orashon pa nan.
 - (4) Buska maneranan pa konektá bo amigu nobo ku otronan for di bo iglesia.
 - (5) Resa tokante di e nesetidatnan spesífiko òf preguntanan ku bo amigu nobo lo por tin.
 - (6) Buska un oportunidat pa mustra nan kon e Beibel ta ofresé konsuelo, konseho, i guiansa den nos bida.
 - (7) Lo bini un tempu bo lo kier puntra si bo amigu lo ta desea pa studia e Beibel ku bo. Mas lat, bo amigu lo por desea pa wòrdu batisá.

C Kon pa trese esnan ku a bai bèk?

❖ Dios ta buskando Su yiunan.

- Na un sierto punto, Dios Su pueblo a spleet: Efrain (e reino di nort) a bandoná Dios; Juda (e reino di sùit) a keda fiel.
- Apesar di su abandon, Dios a sigui konsiderá Efrain komo Su yiu hòMBER stimá (Jer. 31:20). Asta El a deskribí su wela, Raquel, komo yorando pa su yuinan hòMBER, kende a muri den nan pikánan (Jer. 31:15).
- Esnan kende a sirbi Dios i despues a bandon'E, Dios ta sigui yama na nan ku amor. Nan ta Su yiunan, i E ta stima nan i persistentemente ta urgi nan pa bolbe bèk na djE.
- Podisé algun di nos propio yiunan, kende ántes tabata konose e fe, a bandoná esaki. Leu di bira nos lomba na nan, nos mester sigui stima nan i papia kariñoso na nan. Dios ta rekòrdá nos ku nan ta e opheto di Su kompashon di mas tierno, i sinseramente E ta desea ku nan lo bolbe bèk na djE.

❖ Nos ta buskando esun ku a bai.

- Nos kasá; nos yiu hòMBER; nos yiu muhé; nos amigu; nos bisiña; e ruman hòMBER òf ruman muhé ei kende tabata akustumbrá di sinta riba e banki di Iglesia ei... Un dia nan a adorá ku nos, pero awor unda nan ta?
- Tin hopi motibunan (rasonnan) pakiko hende ta laga e Iglesia. Nos no a wòrdu yamá pa huzga nan motibunan, kritiká nan motibunan, òf simplemente lubida tokante di nan.
- Nos deber ta pa bai i buska nan i trese nan bèk na e tou. Kon nos ta hasi esaki? Promé, dor di hasi orashon. Di dos, dor di ta un ehèmpel di amor i kariño pa ku nan.
- E testimonio di bo bida, bo akshonnan, palabranan, i orashonnan pa un hende kende a dual for di Dios por kambia radikalmente nan bida i nan futuro.